

## **Lëtra zirculera ai cumëmbri dla Jonta provinziela y ai servijes dl'aministrazion provinziela**

Argumënt: adurvanza dla disposizion dla lege n. 28 dl 22 de fauré 2000, art. 9 – disciplina dla comunicazion istituzionela y ublianza de nformazion tl tēmp dan la veles (par condicio).

Nce per la proscima veles dl 26 de utober 2003 iël udù danora n valgun lims tleres per la comunicazion istituzionela (cudejiei, scumenciadives nformatives, cunferënzes, nserzions de retlam ti media y nsci inant) y per l'attività nformativa (comunicac stampa, cunferënzes stampa, nserac) che ie da respeté dai enc publics y nsci nce dal'aministrazion provinziela.

Tla lege n. 28 dl 22 de fauré iel stabili: "...è fatto divieto a tutte le amministrazioni pubbliche di svolgere attività di comunicazione ad eccezione di quelle effettuate in forma impersonale ed indispensabili per l'efficace assorbimento delle proprie funzioni".

Lims che vel dal 9 de setëmbër 2003 inant.

Coche per la veles dl 1998 iël nce da usservé per chësta veles dl 2003, tl tēmp dal 9 de setëmbër ai 26 de utober, i lims tl ciamp dla comunicazion cumpedei su tlo dessot:

- Ti comunicac stampa, ti nserac, tla brosciures y ti nvic dla Provinzia iël da schivé uni sort de promoziions, recumandaziions y nformaziions de partic y candidac/candidates.
- Relaziions sun l'atività y bilanc de scumenciadives fates y nsci inant ië da mandé, cunsenië, prejenté y, sce debujën, da purté a difujion tres i mass media (nce tl cajo de emitëntes privates) y i canai de retlam dan l 9 de setëmbër 2003.
- Tla brosciures y te d'otra zaites dla Provinzia che vën mandei demez y spartii ora tl tēmp danter l 9 de setëmbër y l 26 de utober 2003 iël da schivé l plu che la va de nunzië i inuemes de candidac y de candidates, y nce de sotscri vianviedes, saluc y prefaziions.
- Cunferënzes stampa y ancuntedes cun la stampa, sëuraluesc y scumenciadives simileres ië da limité ala ntraunides, deliberes y dezijions de majera mpurtanza istituzionela che ne possa nia uni spustedes. La limitazion vel te uni cajo nce per la nformazion sun chësta scumenciadives.
- L ufize stampa dla Provinzia jirà inant a nformé nce te chësc tēmp sun l'atività istituzionela di ufizies dla provinzia, tēnian sambën cont di lims nunziei dessëura n cont dla nunziada de inuemes y dla valutazion dl lëur di cumëmbri dla Jonta provinziela.
- N ië oradechël dla minonga che l ië nce te chësc tēmp mesun per i cumëmbri dla Jonta provinziela de tò posizion y de se damandé retificaziions tres i mass media tl cajo de critiches y agrescions.

Per plu nformaziions possen cherdé su l diretëur dla Repartizion 1, DDr. Karl Rainer y l diretëur dl ufizé stampa Dr. Franz Volgger.

Cun de bieci saluc,

L PRESIDĒNT DLA PROVINZIA  
Dr. Luis Durnwalder

25.07.2003